

جریدہ عالیہ

مشیت جلیلہ اسلامیہ نک جریدہ راسمیہ پیدر

محرم الحرام ۱۳۳۵ [*]

عدو: ۲۷

آیدہ بر نشر اول نور

اوپنچی سنہ

انكشاف و تعالیسی اسبابی استكمال ایدنبجهیه قدر حمیت وفداکارلقده دوام ایتمه من امر واجبدر . بو وجوب بزى يالكز حريك مشكلات عظیمه سینه مقاومت ایچون دکل ، احوال داخلیه منك الجآت مهمه سینه توفیق حرکته مداومت ایچون ده وفاق و اتحاد دعوت ایتمکده اولوب سایه الهاماتوایه شهریاریلرنده بو صورت اتحادیه نك روز افزون اولسی تمنیاتیه هیئت عاجزانه من عهده سینه ترتب ایدن وظیفه نی ارشادات سینه ملوکانه لری دائره سنده ایفایه مسارعتن خالی قالمایه جغنی سده معلاى هایونلرینه عرض و اعلا ایدر وازدیاد عمر و عافیت و دوام اجلال وشوکت خلافتناهیلى دعوات مرفوع السمواتیه ترین لسان رقیق ایلر .

*
* *

مجلس مبعوثانك عریضه جوابیه سی

شوکتآب، خلافتناه افند من حضرتلری

جهانی هرج و مرج ایدن شو حرب عمومینك غوائل کونا کونی آرد سنده مجلس منك اجتماعنی ظفر نهائی حقنده قلبره امید بخش اوله جق احوال و شرائط دائره سنده کشاده موفقیت شاهانه لرندن دولای عریض شکران ایلرز .

خلافت اسلامیه وسلطنت عثمانیه یه قطعی بر نهایت ویرمک اوزره بحری وبری بوتون قوتلریله چناق قلعه یه هجوم ایله نومیدانه صولتلرده بولونان دشمنلره صوکه ضربه قهری ایندیره رك استانبول قاپیلرینی تطهیر ایدن اردوی عثمانینك سائر جبهه لره توجه عزم وغیرت ایله (کوة الاماره) ده مضور انکاز اردوسنی قوماندانلریله برلکده اسیر ایتسی، وایرانی کچره رك عراقی استیلا تصوورنده بولونان روسلری مغلوب ایده ایده (طهران) جوارلرینه یتشمسی، شرق حدود منری تجاوز ایله یں روس اردولرینك دخی توفیقات ربانیه ایله دفع و طرد ایدملرینی کافل مآثر قهرمانی جمله سندندر . بوصورتله ممالك عثمانیه نك تمامی ملکیزی محافظه ایدملکله برابر قومشومر ایران دولت اسلامیه نك دخی ترقی وانکشافه حائل اولان مداخلات وتجاوزات زبونکشانه یه خاتمه چکیلش اوله جقدر .

یالكز دولت عثمانیه نك دکل ، تکمیل عالم اسلامک تأمین خلاص و سلامتی نامنه بوتون موجودیت مزله حرب ایتمکده اولدیقمز شو صره ده سابق مکه امیرینك دین ودولته قارشى خیانتی نه درجه سزای تأثر وتلعین ایه یننده برچوق محرومیتلره قاتلانه رق مظفر آ

(عدن) ایچریلرینه داخل اولان مجاهدین اسلامیه ایله امام یحیایک و (طرابلس غرب) ده ایتالیانلره ضربات شدید ایدیرن مجاهدین ایله (بنغازی) ده نائب السلطان السید احمد شریف پاشایک عزیمت و صداقتلری ده اودرجه موجب مسرت و تشکر در . وقت مرهوننده الطاف السیهیه استناداً مصرک تخلصنی تأمین ایتک اوزره آریجه براردونک استحضارات ایله مشغول اولماسی ایسه بالخاصه مستلزم ممنونیتدر .

رومانیایک ده نقض عهد ایله دشمنلرمزه اتحاق ایتیمی اوزرینه سوق ایدیلن قوای متفقیه اشتراک ایدن عساکرمزک (دوبریجه) ده و شمالده (غالیچیا) ده اظهار ایتدکری قهرمانلق عثمانلی قوه حیاتیه سنک فیاض وجوشان برمنبع جاودانه مالک اولدیغنی اثبات ایتیمی و متفقلرمزله ابدی برسلح آرقداشلقی خاطره سی تأسیس ایله می اعتباریه جداً شایان فخر و مسرت بر موفقیتدر .

اردومزک و دونانمازمزک اظهار و اثبات ایتدیکی حس وظیفه وفدا کاری بی مجلس ملی دخی لسان تقدیر و تکریم ایله یاد ایله یه رک شهیدیه رحمت ، غازیله سلامت تمنی ایلر . مملکتک تأمین ترقیاتی خصوصنده اک بویوک برحائل اولان قاپیتولاسیونلرک الغاسندن صوکره دول سائر ایله مناسبات حقوقیه مزه آوروپا حقوق دولی اساساتی دائره سنده تمکل تشکیل ایده جک مقاوله لرک انتاج ایدلمه سی لازمه دن اولوب سائرلره نمونه امثال اوله جق صورتده متفقلرمزله عقد ایدیه جک مقاولاتی حسن تلقیه مجلسمز آماده در . امور داخلیه مزه مداخله وسیله لری ویرن پارس و برلین عهدنامه لرینک فسخی خصوصنده متفقلرمزک کوستردکری و مقاولات جدیده نک عقدی کیفیتده شهه سز کوستره جکری آثار خلوص و صمیمیت ، کندیلریله اولان مناسبات سیاسیه مزک و متقابل امنیت و اعتماد حسلرینک بوتون انکشافه خدمت ایده جکی آشکاردر . بویه امنیت و تعاون حسلریله و کمال فدا کاری ایله حرب ایدن متفق اردولرمزک مطلوب اولان ثمرات ظفری استحصال و اقتطاف ایده جکنده شهه سز یوقدر . عثمانلی ملتی عنایت صمدانیه ایله بو ظفر نهائی بی تأمین ایچون حربک ایلک کوننده اولدیغنی کبی بو آنده ده هر فدا کارلقی اجرایه حاضردر . مجلسمز بوسنه دخی تودیع ایدیلن لوایح قانونیه بی وقایع حربیه قارشیسنده پرورده و محافظه ایتدیکی حس اتحاد و وفاق دائره سنده تدقیق عزیمیه و توفیقات سبجانییه مظهریت دعاسیه وظیفه سنه مباشرت ایله مشدر . »